



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Broj: _____/19
Sarajevo, 11.12.2019.

Skupština Kantona Sarajevo
Zastupnica Neira Dizdarević
Naša stranka

**BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
KJKP VODOVOD I KANALIZACIJA
MINISTARSTVO UNUTRAŠNJIH POSLOVA
INSPEKTORAT ZAŠTITE OD POŽARA**

PREDMET: ZASTUPNIČKA INICIJATIVA

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16) upućujem zastupničku inicijativu:

Budući sam dobila oprečne informacije u vezi sa odgovorom Inspektorata za zaštitu od požara pri MUP-u u kojem tvrde:

‘Evidentan je problem i neispravnosti vanjske hidrantske mreže stambenih objekata, a što je prema članu 49. Zakona u nadležnosti javnog preduzeća KJKP Vodovod i kanalizacija. Uvidom u Zapisnike o izvršenom ispitivanju ispravnosti i funkcionalnosti unutrašnje hidrantske mreže, prilikom ranijih inspeksijskih nadzora, konstatovano je da je u velikom broju objekata (stambenih, javnih i administrativnih objekata) hidrantska mreža koja je priključena na mrežu gradskog vodovoda neispravna i nefunkcionalna, pritisak i protok vode na nižim etažama su ispod ili na granici pritiska i protoka vode koji su članom 22. Pravilnika o tehničkim normativima za vanjsku i unutrašnju hidrantsku mrežu za gašenje požara („Sl.novine FBiH", broj :87/11) propisani za najnepovoljnije mjesto, iz razloga što **javno preduzeće nije osiguralo propisani protočni kapacitet i pritisak vode u mreži, o čemu je ova inspekcija i ranije upozoravala KJKP Vodovod i kanalizacija.**’

Na pitanje upućeno KJKP Vodovodu i kanalizacija dobila sam odgovor broj 8891/19 od 23.10.2019. u kojem stoji:

‘Napominjemo da je u gradskoj vodovodnoj mreži i hidrantima **osiguran pritisak vode koji zadovoljava tehničke uslove za normalno vodosnabdijevanje**. Vrijednost pritiska u mreži uslovljena je položajem rezervoara i granica zone vodosnabdijevanja određenog rezervoara. Održavanje unutrašnje i vanjske hidrantske mreže (definisane u projektnoj dokumentaciji

objekata) i uređaja je u nadležnosti vlasnika objekata. Vlasnici objekata radi obezbjeđenja dovoljnog pritiska za ispravan rad uređaja za zaštitu od požara (hidrantska mreža) su dužni osigurati ispravnost uređaja za interno povećanje pritiska (člani 35. Pravilnika, o tehničkim normativima za vanjsku i unutrašnju hidrantsku mrežu za gašenje požara), što često nije slučaj u praksi.

Shodno navedenom, u vodovodnoj mreži **su osigurane dovoljne količine vode i pritisak**: Vlasnici objekata su dužni održavati hidrantske instalacije u funkcionalnom stanju, a opremljenost treba da je u skladu sa uslovima u vodovodnoj mreži.'

Molim Inspektorat za zaštitu od požara i KJKP Vodovod i kanalizacija da održe zajednički sastanak i razjasne suprotne informacije koje su mi dostavljene, te me obavijeste o zaključcima sa tog sastanka.

Molim da se ovom problemu posveti dovoljna pažnja kako bismo na vrijeme zaštitili imovinu i živote naših građana.

S poštovanjem,

Neira Dizdarević
Zastupnica Naše stranke u Skupštini Kantona Sarajevo